



唐詩紀事卷第七十三

僧法振

僧常雅

僧隱求

僧法照

僧泠然

金地藏

僧皎然

僧護國

僧含曦

僧法振

月夜泛舟云西塞長雲盡南湖片月斜漾舟人不見卧  
入武陵花

趙使君生子晬日詩云老骨貴天生肌膚片玉明見人  
空解笑弄物不知名國器嗟猶小風神望益清抱來芳  
樹下時聽鳳凰聲

送人遊閩越云不須行借問為爾話閩中海島春冬雨  
江帆來去風道遊玄度宅身寄朗陵公此別何傷遠如  
今關塞通

疾愈寄友人云哀樂暗成疾卧中芳月移西山有清士  
孤峭不可追擣藥曙林靜汲泉陰澗遲微蹤與麋鹿遠

謝裘羊知遊閩以下二章  
合取為極玄集

題天長阮少府湖上客歸云孤棹移官舍新農寄楚田  
晴林渡海日春草長湖煙對卧閑鷗戲談經稗子賢佳  
期更何許應向笑臺前

陳九溪中草堂云溪草落濺濺魚飛入稻田早寒臨酒

月輕素卷簾煙頰憤題新句篆衣象古賢曙花開秀色

三十六峯前

送韓侍御自使幕巡海北云微雨空山洗夜兵繡衣朝  
拂海雲清幕中贈策心應苦馬上題詩卷已成離筵莫  
惜花園醉古道猶看夢草生因說元戎能破虜高歌一  
曲隴關情

李益與振同賦雁門照綠苔益詩云宮闕何年月應門  
何歲苔清光一以照白露共徘徊珠履久行絕玉房重  
未開妾心正如此昭陽歌唱來

李益送賈弁秘校東歸寄振上人云北風南鴈數聲悲

况指前林是別時秋草不堪頻送遠白雲何處更相期  
山隨疋馬行看落路入寒城獨去遲為向東州故人道  
江淹已擬惠休詩

僧常雅

題伍相廟云蒼蒼古廟映林巒漠漠煙霞覆石壇精氣  
不知何處在威風猶入浙江寒

僧隱求

石橋琪樹云山上天將近人間路漸遙誰當雲裏見知  
欲渡仙橋

僧法照

送禪師歸新羅云萬里歸鄉路隨緣不算程登山百衲  
敝過海一杯輕夜宿依雲色晨齋就水聲何年持貝葉  
却到漢家城

寄錢郎中云閉門深樹裏閑足為經過四馬不為貴一  
僧誰柰何稻苗家自有香飯乞時多寄語嬋娟客將心  
向薜蘿

僧泠然

宿九華化城寺庄詩云佛寺孤庄千嶂間我來詩境強  
相關巖邊樹動猿下磴雲裏錫鳴僧上山松月影寒生  
碧落石泉聲亂噴潺湲明朝更躡層霄去誓共煙霞到

老閑

冷然唐末僧也

金地藏

新羅國王子也至德初落髮航海隱於池之九華山送童子下山詩云空門寂寞汝思家禮別雲房下九華愛向竹欄騎竹馬懶於金地聚金沙添瓶澗底休招月烹茗甌中罷弄花好去不須頻下淚老僧相伴有煙霞

僧皎然

姓謝字清晝吳興人靈運十世孫居杼山顏真卿為刺史集文士撰韻海皎然預其論著貞元中集賢院取其

集藏之于頓為序

嘗於舟中杼思作古體十數篇求合常蘇州常大不喜明日獻其舊製乃極稱賞云向不但以所工見投而猥希老夫之意人各有所得非卒得至晝大服其鑒裁之

精

訪陸羽云太湖東西路吳王古山前所思不可見歸鴈自翩翩何山賞春茗何處弄春泉莫是滄浪子悠悠一釣舡

舟行懷閩士和云二月湖南春草遍橫山渡口花如霰相思一日在孤舟空見歸雲兩三片

山雪云夕陽在西峯疊翠紫殘雪狂風卷絮回驚猿攀  
玉折何意山中人誤報山花發

詠史云田氏門下客馮公衆中賤一朝市義還百代名  
獨擅始知下客不可輕能使主人功業成借問高車與  
珠履何如卑賤一書生又云獨負高世姿冥冥寄浮俗  
卜子去不歸何人識荆玉驚春意不淺汚跡身豈辱鸞  
鏃樂進遭蚪蟠其窘束五噫謫且正可以見心曲

思歸示說公云桐江春信早憶在故山時靜夜風鳴磬  
無人竹掃埤猿來觸淨水鳥下啄寒梨何物關吾事歸  
心自有時

題審道士新亭云何處好攀躋新亭俯舊溪坐中千里  
近簷下四山低小浦依林曲回塘逸郭西桃花春滿地  
歸路莫相迷

懷舊云一坐西林寺從來未下山不因尋長者無事到  
人間宿雨愁為客看花咲未還空懷舊山月童子念經  
閑

陪盧中丞閑遊山寺云野寺出人境捨舟登玉峯林開  
明見月萬壑靜聞鐘擁燭明山翠交麾動水容如何股  
肱守塵外得相逢

同裴錄事樓上望月云退食高樓上湖山向晚晴桐花

落萬井月影出重城水竹涼風起簾幙暑氣清蕭蕭獨  
無事因見蒞人情

仙女臺云寂寂舊桑田何時女得仙應無雞犬在空有  
子孫傳古木花猶發荒臺路未遷暮來雲一片疑是欲  
歸年

陪盧使君登樓送方巨之還京云萬里汀洲上東樓欲  
別難春風潮水漫正月柳條寒旅逸逢魚浦清高愛鳥  
冠雲山空不起今日上長安

尋陸鴻漸不遇云移家唯帶郭野逕入桑麻近種籬邊  
菊秋來未著花叩門無犬吠欲去問西家報道山中去

歸來日每斜

酬崔侍御見贈云買得東山後逢君小隱時五湖遊不  
厭相署迹如遺儒服何妨道禪心不廢詩一從居士說  
長破小乘疑

箬溪春興云春生箬溪水雨後漫流通芳草行無盡清  
源去不窮野煙迷急浦斜日起微風數處承流望依稀  
似剡中

湖南草堂讀書招李少府云削去僧家事南池便隱居  
為憐松子壽還卜道家書藥院常無客茶樽獨對余有  
時招逸吏來飯野中蔬

宿吳匡山破寺云雙峯百戰後真界滿塵埃蔓草沁空  
壁悲風起故臺野花寒更發山月暝還來何事池中水  
東流獨不回

宿法華寺云心與空林共杳冥孤燈寒竹自熒熒不知  
何處小乘客一夜風來聞誦經

答李季蘭云天女來相試將花欲染木禪心竟不起還  
捧舊花歸

酬鄭判官湖上見贈云歲歲湖南隱已成如何星使忽  
知名沙鷗慣識無心客今日逢君不解驚

贈韓武康云山僧雖不飲沽酒飲陶潛此興唯無別多

為俗士嫌

帝蘇州寄皎然云吳興老釋子野雪蓋精廬詩名徒自  
振道心常晏如想茲栖禪夜見月東峯初鳴磬驚岩壑  
焚香滿空虛夙慕端成舊未識豈為踈頭以碧雲思方  
君怨別餘茂苑文華地流水古僧居何當一遊詠倚閣  
吟躊躇

皎然詩式著偷語詩例云如陳后主詩日月光天德取  
傅長虞日月光太清上三字語同下二字義同偷義詩  
例云如沈佺期詩小池殘暑退高樹早涼歸取柳渾太  
液滄波起長楊高樹秋偷勢詩例云如王昌齡詩手携



雙鯉魚目送千里鴈悟彼飛有適嗟此罹憂患取稭康  
 目送歸鴻手揮五絃俯仰自得遊心太玄詩式云詩有  
 跌宕格二品一曰越俗其道如黃鶴臨風貌逸神王香  
 不可羈郭景純遊仙詩左挹浮丘袖右拍洪崖肩鮑明  
 遠詩舉頭四顧望但見松栢繁荆棘鬱叢叢中有一鳥  
 名杜鵑言是古時蜀帝魂聲音哀苦鳴不息羽毛憔悴  
 佀人髡飛走樹間啄蟲蠹豈知往日天子尊念茲變化  
 非常理中心惻隱不能言二曰駭俗其道如楚有接輿  
 曾有原壤外示驚俗之貌內藏達人之度郭景純遊仙  
 詩嫦娥揚妙音洪崖領其頤王梵志道情詩我昔未生  
 時冥冥無所知天公彊生我生我復何為無衣使我寒  
 無食使我饑還你天公我還我未生時賀知章放達詩  
 云落花真好些一醉一回顛盧照隣漫作云城狐尾獨  
 傲山鬼面參譚涵沒格一品曰淡俗此道如夏姬當壚  
 似蕩而貞吳楚之風雖俗而正古歌曰華陰山頭百尺  
 井下有流泉澈骨冷可憐女子來照影不照其餘照斜  
 領調笑格一品曰戲俗漢書云匡鼎來解人頤蓋說詩  
 也此一品非雅作足以為談笑之資矣李白狂詠女媧  
 弄黃土搏作愚下人散在六合間濛濛若埃塵  
 微雨云片雨拂蒼楹煩襟四座清霏微過麥隴蕭瑟傍

唐詩集卷之三  
莎城靜愛和梅落幽聞入竹聲朝觀趣無限高詠寄閑情

題廢寺云武陵罹亂後真界積塵埃殘月照秋水悲風送古臺居人今已盡棲鴿暝還來不到無生理應堪賦七哀

賦得啼猿送客三峽云萬里巴江外三聲月峽深何年有此路幾客共霑襟斷壁分重影流泉入苦吟淒淒別離後聞此更傷心  
微雨以下三章姚合取為極玄集

僧獲國

贈張駙馬斑竹拄杖詩云此君與我在雲溪勁節奇文

勝杖藜惟有歲寒堪贈遠玉階行處愿提携

護國江南人攻詞翰題醴陵玉仙觀歌云玉喬一去空仙觀白雲至今疑不散星垣松殿幾千秋往往笙歌下天半瀑布西行過石橋黃精採根還採苗路逢一人擎一椀松花夜雨風吹滿又言家住在東坡白犬相隨邀我過南山石上有碁局曾使樵夫爛斧柯

張謂哭護國上人云昔喜三身淨今悲萬劫長不應歸北斗多是向西方舍利衆生得袈裟弟子將鼠行殘藥椀蟲網舊繩床別起千花塔空留一草堂支公何處在

神理竟茫茫

僧含曦

盧仝訪含曦上人云三入寺曦未來轆轤無繩井百尺  
渴心歸去生塵埃曦酬云長壽寺石壁盧公一首詩渴  
飲即不渴饑食即不饑鯨吞海水盡露出珊瑚枝海神  
知貴不知價留向人間光照夜

唐詩紀事卷第七十三

唐詩紀事卷第七十四

僧文秀

僧尚能

僧棲白

僧無可

僧神穎

僧懷濬

僧應物

僧可朋

僧雲表

僧文秀

端午詩云節分端午有誰言萬古傳聞為屈原堪笑楚  
江空浩浩不能洗得直臣冤

秀唐末詩僧也鄭谷喜秀上人相訪詩有它夜僧堂宿  
論詩更入微之句又次韻秀上人長安寺居言懷云舊  
齋松老別多年香社人稀喪亂間出寺只知趨內殿閉

門長似在深山又重訪秀上人云展畫長懷吳寺殿宜  
茶偏賞雪溪泉又寄題詩僧秀公云靈一心傳清塞心  
可公吟後楚公吟近來雅道相親少唯仰吾師所得深  
好句未停無暇日舊山歸老有東林吟曹孤窞其寥落  
多謝携筇數訪尋秀南僧也而居長安以文章應制故  
谷送遊五臺詩云內殿評詩切身回心未回

僧尚能

中秋旅懷云所畜惟騷雅兼之得固窮望鄉連北斗聽  
雨帶西風稼穡村坊遠煙波路逕通具搜清絕句恰似  
有神功

僧棲白

中秋夜月云尋常三五夕不是不嬋娟及到中秋半還  
勝別夜圓清光疑有路皓色爽無煙自古人皆玩年來  
更一年

哭劉得仁云為愛詩名剛到此風魂雪魄去難招直教  
桂子落墳上生得一枝怨始銷

送道微上人遊五臺及禮本師云寒空金錫響欲過渭  
陽津極目多來鴈孤城少故人與師難久別於法本相  
親又對清涼月中宵與宿因

送僧歸舊山云談空與破邪獻壽復瑩家白日得何偈

青天落幾花傳燈皆有分化宿獨無涯却入中峯寺還  
知有聚沙

曹松薦福贈白上人云才子紫檀衣明君寵顧時請昇  
高坐瀨書谷重臣遲瓶勢傾圓頂乃聲落碎髭還聞穿  
內禁隨駕進新詩

李洞贈白上人云險倚石屏風秋濤夢越中前朝吟侶  
散故國講流終此地聞巴狄南山見磧鴻樓高驚雨濶  
木落覺城空兔滿期姚監蟬稀別楚公淨瓶光照客柱  
杖朽生蟲平地塔千尺半空燈一籠祝先談幾句旋鶴  
海潮東

洞又哭白上人云聞說孤窓卧化時首摩 滴空  
吟詩堂裏秋開影禮佛燈前夜照碑賀雪已成金  
看濤終負石橋期逢山對月還惆悵爭得無情似祖師

僧無可

中秋翫月云蟾宜天地靜三五對堦明照耀起諸夜光  
芒掩衆星影寒池更澈雲冷樹稍青枉值中秋夜長乖

宿洞庭

夏晚陪姚合員外遊金州南池云柳暗青波漲衝萍復  
嫩苔張筵白鳥下掃岸使君來洲島秋應沒荷花晚盡  
開高城吹角絕騶馭尚徘徊

冬日寄僧友云歛屨入寒竹安禪過漏聲高杉殘葉落  
深井凍痕生罷磬風枝動懸燈雪屋明何當招我友乘  
月上方行

白閣未歸日青門又值春句半天傾瀑溜數里見廬峯  
句右張為取作主客圖

秋夜宿西林寄賈島云暗蟲喧暮色默思坐西林聽雨  
寒更盡開門落葉深昔因京邑病併起洞庭心亦是吾  
兄弟遲回共至今

秋日寄厲玄云楊柳起秋色故人猶未還別離何自苦  
以壯豈能閑夜雨吟殘燭秋城憶遠山何當同一見語

默此林間

廬山寺云千峯盤磴盡林寺昔年名步步入山影房房  
聞水聲多年人跡絕殘月石冰清便可求居止安閑過  
此生

題青龍寺僧房云從誰傳法印不離上方禪夕磬城霜  
下寒房竹月圓煙殘衰月畔客住積雲邊未隱滄洲去  
時來於此禪

新年作云然燈朝復夕漸作長年身紫閣未歸日青門  
又值春掩關寒過盡出定草生新自有林中趣誰驚歲  
月頻

贈圭峯禪師云絕壑禪床底泉分落石層露澆高頂草  
雪隱下方燈朝滿傾心客溪連學道僧半旬持一食此  
事有誰能

金州別姚合云日日西亭上春留到夏殘言之離別易  
免以道途難山出一千里溪行三百灘松間樓月裏秋  
入五陵寒

姚合送無可往越州云清晨相訪門前立麻履方袍一  
少年懶讀經文求作佛頌攻詩句覓成仙芳春山影花  
連寺觸夜潮聲月滿艇今日送行偏惜別其師文字有  
因緣

李洞贈可上人云寺門和鶴倚香杉月吐秋光到息甕  
將法傳來穿泐漈把詩吟去入巖岩模糊書卷煙嵐滴  
狼籍衣裳瀑布緘不斷清風牙底嚼無因內殿得名街

僧神頴

和王季文題九華山云衆嶽推分野九華鎮南朝彩筆  
凝空遠崔嵬寄青霄龍潭古仙府靈藥今不凋瑩為滄  
海境煙霞作荒標造化心數竒性狀精氣饒玉樹鬱玲  
瓏天籟韻蕭寥寂寂尋乳竇兢兢行石橋通泉漱雲母  
藉草紫香茗我在幽且深君賞昏復朝稀達發清唱片  
片霜凌颺

唐詩集卷七十四  
宿嚴陵釣臺云寒谷荒臺七里洲賢人永逐水東流獨  
猿叫斷青天月千古冥冥潭樹秋

僧懷濟

栴歸郡僧懷濟不知何所人乾寧初知來藏往皆有神  
驗刺史于公以其惑衆繫而詰之乃以詩代通狀云家  
在閩山西復西其中歲歲有鶯啼如今不在鶯啼處鶯  
在舊時啼處啼又詰之復有詩云家在閩山東復東其  
中歲歲有花紅而今不在花紅處花在舊時紅處紅守  
異而釋之詳其詩意似在海中得非杯渡之流乎出北  
夢瑣言

僧應物

龍潭云石激懸流雪滿灣五龍滑溜野雲間漸收雷電  
九峯下且歎溪潭一水間浪引浮槎依北岸波分曉日  
浸東山回瞻四面如看畫須信遊人不欲還

題化城寺云平高選處創蓮宮一水縈流處處通畫閣  
書開紅日畔禪房夜掩碧雲中平川不見龍行雨幽谷  
遙聞虎嘯風偶與友人論法要真元浩浩理無窮  
應物大中時江南詩僧也與羅鄴倡酬作九華山記

僧可朋

可朋丹稜人少與延讓為風雅之友有詩千餘篇號玉



壘集題洞庭詩云水涵天影澗山拔地形高贈友人曰  
來多不似客坐久却垂簾歐陽炯以此比孟郊賈島言  
其好飲酒貧無以償酒債故特賙之可朋自號醉髡贈  
方干詩云月裏豈無攀桂分湖中空賞釣魚休杜甫舊  
居云傷心盡日有啼鳥獨步殘春空落花寄齊已云唯  
陪北楚三千客多話東林十八賢劉公詩話云有詩僧  
讀洪州滕王閣詩謂守者詩捻不佳何不除却守云僧  
能佳乎即吟曰洪州太白方積翠滿穹蒼萬古遮新月  
半天無夕陽守異之然南方浮屠能詩者多矣予嘗見  
可朋詩云虹收千嶂雨潮弄半江天又云詩因試客分

題僻甚為饒人下着低不減唐人

出詩

孟昶廣政十九年賜詩僧可朋為文是歲酷暑中歐陽  
命同僚納涼於淨衆寺依林亭列樽俎衆方懼適寺之  
外皆耕者曝背烈日中耘田擊腰鼓以適倦可朋迺作  
耘田鼓詩以贄歐陽衆賓朋遽命撤飲詩曰農舍田頭  
鼓王孫迤上鼓擊鼓兮皆為鼓一何樂兮一何苦上有  
烈日下有焦土願我天公降之以雨令桑麻熟倉箱富  
不饑不寒上下一般言雖淺近而極於理君子謂可朋  
諫而歐陽善聽焉

朋賦洞庭云周極八百里疑眸望則勞水涵天影澗山

一唐詩紀事卷七十四  
七  
拔地形高賈客停非久漁翁轉幾遭颯然風起起又是  
鼓濤濤

僧雲表

寒食詩云寒食悲看郭外春野田無處不傷神平原繫  
繫傷新塚半是去年來哭人

唐詩紀事卷第七十四

唐詩紀事卷第七十五

僧虛中

僧貫休

僧齊己

殷七七

許碛

許宣平

裴脩然

僧虛中

寄中條司空圖侍郎詩曰門徑放蕩垂往來投刺稀有  
時聞御札特地掛朝衣嶽信僧傳去天香鶴帶歸他年  
二南旨無復更衰微開一作開又云遙製短褐成一劔動精  
靈白晝夢仙島清晨禮道經黍苗侵野逕桑椹汚閑庭  
肯要為隣者西南太華青圖贈虛中云十年華嶽峯前  
住只得虛中兩首詩言得其意趣也

唐詩紀事卷七十五  
盧中宜春人也遊瀟湘山水與齊已尚顏棲蟾為詩友  
住湘西栗城寺潭州馬氏子希振侍中好事每出迎納  
於閣盧中好燒火煙昏彩翠去後又復粉飭又題馬侍  
郎池亭云嘉魚在深處幽鳥立多時

聽軒轅先生琴云訣妙與功精通宵滕上橫一堂風冷  
淡千古意分明坐客神魂靜巢禽耳目傾酷哉商紂世  
曾不遇先生

芳草云綿綿芳草綠何處動深思金谷人亡後沙場日  
暖時龍鱗藏有瑞風雨灑無私欲採蘭蕙蕙清香可贈

誰

善卷壇云耕荒鑿原時高趣在希夷大舜欲遜國先生  
空斂眉五溪清不足千古美無虧縱遣亡淳者何人接

所思

亡淳字  
傳疑

經賀監舊居云不戀明皇寵歸來鏡水隅道裝汀鶴識  
春醉釣人扶逐朶雲如吐成行雁似驅蘭亭名景在蹤  
跡未為孤

贈屏風岩樓蟾上人云崑房高且靜住此幾寒暄鹿麝  
安禪石猿啼乞食村朝陽生樹罅古路透雲根獨我閑  
相覓凍涼碧洞門

泊洞庭云槐柳未知秋依依館驛頭客心俱念遠時雨

自相留浪沒貨魚市帆高賣酒樓夜來仍展轉故里在  
南州

僧貫休

姓姜氏字德隱婺州蘭溪人錢鏐自稱吳越國王休以  
詩授之曰貴逼身來不自由幾年勤苦蹈林丘滿堂花  
醉三千客一劍霜寒十四州萊子衣裳宮錦窄謝公篇  
詠綺霞羞他年名上凌煙閣豈羨當時萬戶侯鏐諭改  
為四十州乃可相見曰州亦難添詩亦難改然閑雲孤  
鶴何天而不可飛遂入蜀以詩授王建曰河北河南處  
處災惟聞全蜀少塵埃一瓶一鉢垂垂老千山得

得來秦苑幽棲多勝景巴歛陳貢愧非才自慙林藪龍  
鍾者亦得親登郭隗臺建遇之甚厚建二年召令誦近  
詩時貴戚皆坐休欲諷之乃稱公子行云錦衣鮮華手  
擎鶻閑行氣貌多輕忽稼穡艱難揔不知五帝三皇是  
何物建稱善貴倖皆怨之休與齊已齊名有西嶽集十  
卷吳融為之序卒死于蜀

休每得句云只堪供養佛故懷贈武昌棲一云風清江  
上月霜灑月中砧得句先呈佛無人知此心  
休工篆隸初在荊州成中令問其筆法曰此事須登壇  
而授詎可草草言之成怒遮放黔中因為病鶴詩曰見

訖氣清邪不入不知爾病自何來

赤旃檀塔六七級白齒菖花三四枝禪客相逢只彈指  
此心能有幾人知石霜問曰如何是此心休不能答石  
霜云汝問我答休即問之霜云能有幾人知

唐寇亂休避地渚宮荆帥高氏優待之館於龍興寺會  
有謁宿話時政不治乃作酷吏詞以刺之云霰雨灑灑  
風吼如斲有叟有叟暮投我宿吁嘆自語云太苛酷如  
何如何掠脂幹肉吳姬唱一曲等閑破紅束韓娥唱一  
曲錦段鮮點屋寧知一曲兩曲歌曾使千人萬人哭不  
惟哭亦白其頭饑其族所以祥風不來和風不復蠶桑

蟹弓東西南北遂離荆門直趨井絡上蜀主陳情之詩  
春山行云重疊太古色濛濛花雨時好山行恐盡流水  
語相隨黑壤生紅黍黃猿領白兒因思石橋日曾與道  
人期

晚泊湘江懷古云煙浪漾秋色高吟似得隣一林湘渚  
月千古獨醒人岸濕穿花遠風香禱廟頻只應謾佞者  
到此不傷神

天台老僧云獨往無人處松龕嶽雪侵僧中九十獵雲  
外一生心白髮垂不剃青眸笑更深猶能指孤月為我  
暫開襟

唐詩集卷十五  
寒夜思廬山賈生云山兄詩僻甚寒夜更何為覓句如  
頑坐嚴霜打不知石膏粘木履崖粟落水池近見禪僧  
說生涯勝往時

雪夜寄友人云皓彩中宵合開門失所從何年今夜意  
共予老孤峯氣射燈花落光侵壁罅濃唯君心似我吟  
到五更鍾

苦熱云松桂晝不動陽鳥飛半天稻麻難結實沙石欲  
生煙毒氣仍干扇高枝不立蟬舊山多積雪歸去是何  
年

途中逢周朴云東西南北路相遇共興哀世獨無知己

子從何處來菊衰芳草在程遠宿煙開倘遇中興主還  
應不用媒

題律師院云律中鱗角者高淡出塵埃芳草不曾觸幾  
生如此來整風吹磬斷杉露滴花開如結林中社伊余  
愿一陪

言詩云經天緯地物動必是仙才幾處覓不得有時還  
自来真風含素髮秋色入靈臺吟向霜蟾下終須神鬼  
哀

休糧僧云不食更何求自由終自由身輕嫌衲重天旱  
為民愁應器誰將去生堂蟻不遊會須傳此術歸去老

林立

觀地獄圖云峨峨非劍閣有樹不堪攀佛手遮不得人心似等閑固王應未雪白起更何顏盡日空彈指忘忘塵世間

山居五首云休話喧譁事事難山翁只合住深山數聲清磬是非外一箇閑人天地間綠圃空堦雲冉冉異禽靈草水潺潺無人為向君王道岩桂枝高正好攀又云誰是言休即便休清吟孤坐碧溪頭三間茆屋無人到十里松關獨自遊明月清風宗炳社夕陽秋色庾公樓修心未到無心地萬種千般逐水流又云心心不住

希夷石室嶢岩白髮垂惜竹不除當路笋愛松留得礙人枝焚香開卷雲生砌卷箔冥心月在池無限故人頭盡白不知頭白又何之又云自古浮華能幾朝逝波終日去濤濤漢王廢苑生秋草吳主荒宮入夜濤滿屋黃金機不息一頭白髮氣猶高豈知物外金仙子甘露天香滴毳袍又云翠竇煙霞畫不成桂香瀑沫雜芳馨撥霞掃雪和雲母掘石移松得茯苓好鳥傍花窺玉磬嫩苔和水汲金瓶從他人笑從他笑地覆天翻也只寧經東林寺云白蔭葡萄花露滴滴碧苾芻草雨濛濛田地更無塵一點是何人合住其中

夜夜曲云蟋蟀切切風騷騷芙蓉噴香蟾蜍高孤燈耿  
耿征婦勞更深撲落金錯刀  
古意云乾坤有清氣散入詩人脾聖賢遺清風不在惡  
木枝千人萬人中一人兩人知憶在東溪日花開葉落  
時幾擬以黃金鑄作鍾子期

僧齊已

僧齊已有詩名住襄州謁鄭谷獻詩云高名喧省闥雅  
頌出吾唐疊嶽供秋望無雲到夕陽自封脩藥院別下  
着僧牀幾夢中朝事久離鴛鴦行谷覽之云請改一字  
方可相見經數日再謁稱已改得詩云別掃着僧牀谷

嘉賞結為詩友

還人詩卷云李賀李白遺機杼散在人間不知處聞君  
收在芙蓉江日聞鮫人織秋浦金梭割割文離離吳姬  
越女羞上機鴛鴦浴煙鸞鳳飛澄江晚映餘霞輝仙人  
手持玉刀尺寸寸酬君與珠璧裁作霞裳何處披紫皇  
殿裏深相覓

後唐明宗太子從容好作歌詩高輦又多依附之觀碁  
詩云看他終一局白却却少年頭

齊已中秋詩云東林莫礙漸高勢四海正看當路時從  
榮果謀不執唱和者言涉嫌疑皆就誅惟齊已得荆帥



唐詩集卷之五  
高令公匿而獲免

中秋月云空碧無雲露濕衣衆星光外湧清規東樓莫  
礙漸高勢四海正看當路時還許分明吟皓魄肯教幽  
暗取丹枝可憐半夜蟬娟影正對五侯殘酒卮

早行云舟子相呼起長沙未五更幾看星月在猶帶夢  
魂行鳥亂村林迥人喧水柵橫蒼茫平野水慚愧遠峯  
名

詠鴈云瀟湘水暖全迷鶴邏迤川寒只有鷗誰向孤舟  
憶兄弟坐看連鴈渡橫橋

詠鷺云何事經年悶好音暖風催出轉喬林羽毛新刷

陶潛菊喉舌初調叔夜琴怕雨並棲紅杏密避人雙入  
綠楊深曉來枝上千般語似共桃花訴舊心

夏日草堂作云沙泉帶草堂紙帳卷空床靜是真消息  
吟非俗肺腸園林坐清影梅杏嚼紅香誰住原西寺鐘  
聲送夕陽

寄方干處士鑑湖舊居云賀監舊山川空來近百年聞  
君與琴鶴終日在漁舡島路深秋石湖燈半夜天雲門  
幾回去題徧好林泉

寄錢塘羅給事云嘖嘖嘔讒書無人誦子虛傷心天祐  
末搔首懿宗初海樹青叢短湖山翠點踈秋濤看足否

羅刹石邊居

戊辰歲湖中寄鄭谷郎中云白髮久慵簪常聞病亦吟  
瘦應成鶴骨悶想似禪心上國楊花亂滄洲荻筍深不  
堪思翠巘西望獨沾襟

劍客云拔劍遶殘鐔歌終便出門西風滿天雪何處報  
人恩勇死尋常事輕讐不足論翻嫌易水上細碎動離  
魂

歸鴈云塞開春已暖連影起蘋風雲夢千行去瀟湘一  
夜空江人空舉網虜將又虛弓莫失南來伴衡陽樹即  
紅

東林作寄金陵知己云十八賢真在時來拂榻看已知  
前事遠更結後人難泉滴勝清磬松香掩白檀憑君聽  
朝貴誰欲馭簪冠

山寺喜道士至云閏年春過後山寺始花開還有無心  
者閑尋此境來鳥幽聲忽斷茶好味重迴知住南岩久  
冥心坐綠苔

老將云破虜與平戎曾居第一功明時不用武白首向  
秋風馬病霜飛草弓閑鴈過空兒孫已成立膽氣亦英  
雄

聞貫休下世云吾師詩匠者真箇碧雲流爭得梁太子

重為文選樓錦江新塚樹婆女舊山秋欲去焚香禮帝  
猥峽阻脩

登祝融峯云後鳥共不到我來身欲浮四邊空碧落絕  
頂正清秋宇宙知何極華夷見細流壇西獨立久白日  
轉神州

賜孫生云見君詩自別君是斷詩人道出千途外功爭  
一字新寂寥中影迹霜雪裏精神待折東堂桂歸來更  
苦辛

邊上云漢地從休馬胡家自牧羊都來消帝道渾不用  
兵防草上孤城白沙翻大漠黃秋風起邊鴈一一向瀟

湘

行路難云下浸與高盤不為行路難是非真險惡反覆  
作峯巒濼愧同時黑朱慚汚處丹令人畏相識欲畫白  
雲看

觀水云范蠡東浮闊靈均北泛長誰知遠煙浪別有好  
思量故國門前急天峯照裏忙難收樓上興湫漫正斜  
陽

聽李先先生琴云仙子弄瑤琴山杉月深此聲含太古  
誰聽到無心灑石霜千片噴空瀑萬尋何人傳指法携  
向海中岑

寄陸龜蒙云萬卷功何用徒稱處士休閑歌太古石醉  
卧洞庭秋道在誰開口詩成自點頭中間欲相訪尋使  
阻戈矛

自題云禪外求詩妙年來鬢已秋未曾將一字容易謁  
諸侯掛夢山皆遠題名口盡幽敢言梁太子傍採碧雲  
流

聽泉云落石幾萬仞冷聲飄遠空高秋初雨後半夜亂  
山中祇有照壁月更無吹葉風省曾廬嶽聽到曉與僧  
同

宿簡寂觀云萬壑雲霞影千峯松桂聲如何教下士容

易信長生月共虛無白香和沈澹清閑尋古廊畫記得  
列仙名

觀燒云獵獵寒燕引承風勢不還放來應有主焚去到  
何山焰入空濛裏煙飛蒼莽間石中有良玉惆悵但傷

頽

齊己本姓胡名得生詩名多湖湘間與鄭谷為詩友

殷七七

殷七七名文祥周寶舊於長安識之及寶移鎮浙西七  
七忽至寶禮貌益勤每醉吟曰琴彈碧玉調爐養白珠  
砂解造逡巡酒能栽頃刻花鶴林寺杜鵑花寺僧云貞

元中外國僧自天台鉢盂中以藥養其根來植於此寺  
僧飭花院或見女子遊花下或謂花神也一日寶謂七  
七曰鶴林寺花天下奇絕嘗聞能開頃刻花可開於重  
九乎曰可乃前二日往鶴林寺宿中夜女子謂七七曰  
妾爲上玄命下司此花非久即歸閻苑今與道者開之  
未日晨起寺僧訝花漸折至九日爛熳後經兵火其花  
遂亡

許碛

碛遊江淮間常醉吟曰閻苑花前是醉鄉拈翻王母九  
霞觴群仙拍手嫌輕脫謫向人間作酒狂

碛自稱高陽人少爲進士累舉不第後得道於峨眉山  
許宣平

新安人也常掛一花瓠及曲竹枝醉則歌曰負薪朝出  
賣沽酒日西歸路人莫問歸何地穿白雲行入翠微好  
事者題于壁李白自翰林出東遊覽詩嘆曰仙人也

裴脩然

唐道士裴脩然楚州刺史思訓之子為人詼諧強學不  
成一名好詩酒善丹青鮮絲竹開元中嘗夜醉臨街犯  
禁乃爲詩曰遮莫鼙鼓動須傾滿滿盃金吾如借問但  
道玉山頽官不罪之也出張彥遠名畫記

唐詩紀事卷第七十五



